



PAMFLET

921





W 707

Articulen ende Conditien

vant verdrach gesloten by zijn Princelike Exce.
en de Welghebozen Heere / Graef Wilhelm van Nassau/
by advys vande Heeren Raden van State upt naeme der
Heeren Staten Generael der vereenichde Nederlanden:
mette Stadt Groeninghen ende t Garnisoen daer
binnen gheweest hebbende opt over-
geven vander selver Stadt.

Geaccordeert den xxij. Iulij M. D. XCIV.



IN S GRAVENHAGE,
By Aelbrecht Heyndricz. Drucker Ordinaris der
Heeren Staten Generael. Met voorgaen-
de consent ende permissie.

921
46

De drucker tot den goetwilligen Leser.

Also my ter handen waren ghecomen de Articulen vant verdrach / op de welke zijn Princelijcke Ex^{te}. Stadthouder van, weghen de E. Heeren Staten Generael der ghebnieerde Provincien / met de wijt-beroemde Stadt Groeninghen gheacordeert is: heeft my ghedocht waerdich ende dienlick te wesen / tot eere deser Landen / die selue in druck wt te gheben. Erstelick op dat een yeder soude bekent werden / een so groote victorie / wesende een bandt voornaemste / der ghener / die aen onse zijde (duerende dese oorloghen) vercregen is / ende dat in so corten tijt. Want hoe wel die self de Stadt door dese geheele Provincien / ja oock by den wttheemschen bynaest voor onberwinnelick geacht werden / op welck het accoord ghesloten is) door Godes ghenade / onghelooflijcke en ghesadighe neersticheyt en dapperheyt / goet ende gheluckich belept van zijn Ex^{te}. overwonnen ende met de ghebnieerde Landen vereenicht. Ten anderen / op dat al de werelt ende voornamelick onse wederwillighen voor ooghen moghen sien / de groote genadicheyt die aen dese zijde byde regeerringe ghepleecht wort / gantsch contrarie den bloetdorstigen en Spaenschen aert / die niet wreedicheyt / bloet / moordderp en bederffenis / alles beblecken waer sp comen. Want hoewel nu schoon de victorie in handen van de H. Staten stont / doort springhen en innemen des kavelijns den 15. Julij gheschiet / nochtans heeft men liever de ghe woonliche ghenade willen verhoonen / en haer verdrachlike articulen toelaten / als het wterste met haer verbolghen. Het welck de ghene noch houdende mette Spaens- Ghesinde in dien sp gantsch verblindt en waeren / immers soude trecken om het Spaensche onverdrachgelicke jock af te werpen / ende de soete inghehoorne vryheyt niet ons aen te nemen. In't welck so sp haer versupmen / sullen sp aldererst ghewaer worden dat het haer schadelick sal vallen. Want God de Heer byant der hooberdighen / en een vrient der ootmoedighen is / de spaensche hoberdp en aenhangende afgoderp / dagelijcx meerder schijnt te willen vernederen / en de nedericheyt / goede saeck en Godsdiens desder Nederlanden te verhooghen. Om twelck te verrijghen hem / beminde Leser / aenbidt / en alleen prijst en eere gheeft. In s Grauenhaghe den 30. Julij 1594.

De Heeren Staten Generael consenteren en Octroyeren Albrecht Heindrickz. Boeckdrucker / dese Articulen en Conditien vant overgaen van Groeninghen / alleen te mogen drucken ende niet mant anders / etc. Act. 1^o. August. 1594.

Articulen ende Conditien vant verdrach/ ghes-
loten by zijn Princelicke Er^{cie}. en de Welghebooren Hee-
re/ Graef Wilhelm van Nassau/ by advies vande Heeren
Raden van State vut naeme der Heeren Staten gene-
rael der vereenichde Nederlanden mette Stadt Groe-
ninghen en t garnisoen daer binnen gheweest hebbende
opt overgheben vander selver Stadt.

I.

In den eersten/ dat alle offensien/ inju-
rien/ misdaden ende alle Weghen van septe en date-
lijke wercken gedaen/ gheschiet en volbracht vanden
beghinne der troublen/ so wel in d' eerste als de laetste
troublen/ alteratien en beroerten gevallen/ wie ooc die
onder de beleggeringe der Stadt Groeningen jeghen-
woordelijck geschiet/ tot wat plaetsen en manieren dat het oock sy soo
int generael als particulier (so binnen als buyten/) sullen wesen zijn en
blijven vergheven en vergeten en gehouden als niet geschiet/ sulcx dat
tot geenen tijde eenich vermaen/ mentie/ molestatie/ actie of ondersoek
met rechte/ oft buyten rechte daeromme gedaen/ gemaect/ oft yemant
te laste geleyt sal mogen worden/ op pene/ dat de contrabenteurs gere-
puteert/ gheacht ende ghestraft sullen worden als perturbateurs ende
verstoorders vander ghemeene ruste ende vrede.

ij.

Sullen die vande Magistraet en ingesetene van Groeningen aen-
nemen ende beloven/ ghelijck sy aennemen en beloven by desen/ hen in
de Onie vande generale Nederlandtsche Provincien te reynieren/ en die
Heeren Staten generael der selver geuniteerde Provincien aenhangen/
gehout en getrouwt te zijne. En dat dien volgende die van Groening-
en als een medelidmaet neffens den Provincie malcander als goe-
de bantgenooten/ in goeder trouwen en onghewijdelijcker vastte en
onverbreckelijke vrientschap onder malcander onderhouden sullen/
en in allen tijden ende in allen occurrentien malcanderen bijstaen/ om
te wederstaen/ daer wt te houden en verdragen alle de Spaigniaerden
en heere adherenten/ gebuyet en gepoocht hebbende/ boven alle recht/
redene en billichheit den onderlaten te verdrucken ende te verderuen/ en
die selve te pueren van alle heere welbaert/ en in een ewighe slaue-
rie/ servitude en armoede te brengen ende te houden.

A 2

Item

iii.

Item sullen die van Groeninge lafcrechts en onberoort zijn en blijven in alle heure Privilegien/ Liberteyt/ Rechten ende Vrijheden.

iiij.

Item sullen Stadt ende Ommelanden int compareren en stemmen inde Generaliteyt met alle het ghene daer aen sal mogen dependeren/ hen reguleren/ na tghene bijde Heeren Generale Staten met goede kennis van saken ghedecideert en verclaert sal worden.

v.

Dat mede de Welghebozene Heer Graue Wilhem Lodewijck van Nassau/ als Stadthouder en Gouverneur der Stadt Groeninge ende Ommelande/ luyt de Commissie der Heeren generale Staten/ erkent/ aengenomen en ontfangen sal worden. Doch dat het different tusschen der Stadt Groeninge gheresen/ en soo noch soude moghen rijzen. Zal staen tot determinatie ende dispositie vanden Heeren Staten generael ofte heure ghecommiteerde.

vi.

Item dat binnen de Stadt Groeninge/ en landen geen ander Religie ghe-exerceert sal worden dan die ghereformeerde Religie/ sulcx als die tegenwoordelick inde ghebnieerde Provincien openbaerlick ghe-exerceert wort. Mits dat niemant in zijn conscientie ofte gewissen sal worden gheinjureert/ ondersocht ofte beswaert En dat alle de Cloosters/ gheestelicke/ ende Cloosters goederen/ sullen in tegenwoordigen staet blijven/ tot dat byde Heeren Staten Generael/ den staet vander Stadt Groeninge en Ommelanden/ behoorlick gheredresseert sal zijn. Mits dat aldan byde Provincie zelfs op het gebuyt der goederen en onderhout vande gheestelicke personen behoorlick ordie sal worden ghestelt. Welverstaende dat soo wel de Commanderien/ van Wozsum/ Wijnwert/ ende Oisterwicrom aengaet dat die sullen ghehouden ende ghetracteert worden als ghelijcke Commanderien inde ghebnieerde Provincien gheleghen zijnde.

vij.

Ende dat tot verskertheyt der Generaliteyt en vander Stadt/ oock tot verhoedinghe van alle onlust oft tweedracht tusschen die borghers en inwoonders/ die van Groeninge sullen innemen/ vijf oft zes vander Generaliteyts Compagnien voerbolcx/ diemē met advies vanden Magistraet/ tot minste quetsinge vande borgheren ende inwoonderen sal accommoderen oft met logijsgelt versien ende dat op sulcken boet/ als naderhant by zijne Gen. tusschen de Stadt ende landen sal moghen gheacordeert ende ghebonden worden.

Ende

bij.

Ende aengaende het demolteren vande Forten sal gheschieden nae gelegenheyt en by kennisse en adven vande Heeren Staten Generael.

ix.

Dat de Stadt Groeningen niette ommelanden sullen int inwilligen der Generale Middelen en contributien tot stuer vande gemeene sake hen conformeren ende ghelijck maken / naer advenant vande andere ghebnierte Provincien.

x.

Item dat van alle d'omslagen ende contributien / tot noch toe wtgeschieden / omgeslagen ende ontfangen oock vande Domeynen daer van gerekent is / die Rekeninge voor goet sal worden gehouden. Ende daer van niet gerekent is / sal Rekeninge worden gedaen / voorde oude Heeren / mits datse hen van gheenen voorderen ontfanck van eenige restanten sullen onderwinden.

xi.

Item dat allen den wtgewekenen vander Stadt Groeninge en ommelanden oft heuren erfghenamen. Wederomme gherestitueert ende toeghelaten sullen worden in heure goederen / niet veralieneert zijnde / mits dat onderlinghe ciuilitijt sal worden ghebruyct.

xii.

En aengaende die vercochte of veralieneerde onroerende goederen / het zij voor schulden / oft wtgaende lasten / als mede de geconfisqueerde goederen / oft andersins / sal den ghemeresteerden weder aen hem moghen crighen de selve vercochte goederen / mits by hem binnē den tijt van vier jaren de selve lossende voor hen selfs ende betalende den coopschap aenden coopere / metten renten van dien / daer aen afslach / strecgende de pachten byden cooper ontfanghen. Ende soo in desen wel eenighe zwaricheyt mochte vallen / sal selve staen ter decisie vanden ordinaris competenten Rechtere.

xiii.

Item sal een peder burgher oft inghesetene der Stadt Groeningen Gheestelijck oft Weerlijck by staen omme binnen der Stadt te blijven / oft op andere steden / landen ende plaetsen / die neutrael zijn / na zijnen geballe te mogen vertrecken / ende zijne residentie te nemen / in sulcken ghevalle heure propre en eygen goederen ghemietende / mits datse hen niet en sullen mogen begheben interier woone aen des vpancs zijde.

xiiii.

Sullen mede ondes desen Tractate begrepen zijn / alle wttheemliche personen van wat qualiteyt oft nacie die mogen zijn / hen jegenwoor-
delijck

belijck binnen der Stadt Groeninge onthoudende/ om binnen de selbe
Stadt heure woonplaetse te moghen continueren/ mits doende Eedt
van ghetroouwicheyt/ oft in andere neutrale plaetsen te vertrecken.

rb.

Insghelicken wat Rentebrieven/ versetbrieven/ pachebrieven/ schul-
den/ lasten ende swaricheden/ van Abten/ Prelaten/ Geesteliche perso-
nen/ soo wtlandtse als inlandtse/ in dese troublen binnen der Stadt
Groeningen gheweken/ tot heure alimentacie en onderhout ghemaect
ende aengelept zijn/ sal staen tot decisie vanden Staten oft Magistra-
ten vanden Provincien oft steden/ daer onder de Corpora vanden stit-
ten ende Cloosteren ghelegen zijn/ onnue met kennisse van saken daer
inne te doen als naer Recht ende Justicie bevonden sal worden te be-
hooren.

rbj.

Sullen oock de Ghelanten der Stadt Groeninghen tot Bussel met
heuren dienaren ende goederen/ in desen verdach/ besont ende begre-
pen zijn/ mits incomende binnen drie maenden.

rbij.

Item sullen die burgers die gheduerende dese beleggeringe geban-
ghen moge zijn/ gerelaceert worde/ mits betalende heure ransoenen.

rbijj.

Item sal des stads regieringe bestaen byde Magistraet/ des wort
verstaen/ dat de Magistraet ende ghelwozen gemeente voor dese reyse
by zijne Ex^{te}. ende Gen. met advis vanden Rade van State sal wor-
den ghestelt. Ende dat voort aende verkielinghe vande Magistraet/
sal gheschieden volghens het oude ghebruyck. Mits dat inde plaetse
van het verdeelen vande boonen/ zijne Ge. als Stadthouder byf van
den hierentwintich geswozen ghemeente/ sal moghen eligeren/ die al-
dan sullen procederen tot verkielinghe vande Magistraet/ volgens den
ouden ghebruyck.

rix.

Item salmen in conformite van d' Wte/ die Stadt Groeninghen en
Ommelanden/ sonder huer gemeyn consent en bewillinge aen geenen
Coninghen/ Fursten/ oft Heeren/ steden oft Landen transporteren oft
ouerdraghen/ noch de Stadt met gheen Casteel beswaren.

rx.

Item sullen die vande Magistraet/ die burgheren ende inwoonde-
ren van Groeningen/ aende Generaliteyt doen den behoorlijcken eede
van ghetroouwicheyt/ soo alle andere ghereducerde steden hebben
ghedaen.

Item

Item sullen alle proibitien t'op van ghelt/ammunitien van Oorloge/
Wibres/ Gescht ende andersins van wegghen den Coninc van Spai-
gnien/ in Groeninghen gheschiet/ oft hem toecomende/ oft andersins/
gheduerende dese Oorloge/ daerinne ghecomen/ ouergelevert worden
aende Generaliteyt oft heere ghecommitteerde.

Item dat het Crijschvolck vanden Con. van Spaignien/ sal wter
stadt Groeninghen ende het Schuytendiep verrecken.

Aldus ghedaen ende gheresolueert int Legher booz
Groeninghen. Geteekent en gheschiet by
zijne Ex^{te}. den 22. Julij 1594.

Accoord ghescreuen ende ghesloten tusschen

zijne Ex^{te}. ende den Ouersten Lieutenant Lauckema / met
de Capiteynen/ Bevelhebberen ende ghemeene soldaten in
Garnisoene wesende binnen Groeninghen.

I.
Den eersten dat den boorsz Ouerste Lieutenant
met allen Capiteynen ende Soldaten (wtghenomen de ouerloos-
pers die op dese zijde ghedient hebben) heurlieder Wijben/tros en
bagaigien/ by ende onverhindert van remants/ met hennel vol-
gheweert/ wt de stadt Groeninghen en heere Legher-plaetse sullen
verrecken / sonder datmen heere verfoonen oft goederen met eenich arrest sal mo-
ghen beletten / Behoudelijck alleen/ datse hare Vrienden aen zijne Ex^{te}. sullen
ouerleveren/ Ende datse boorss by ende veplich ghelepdet sullen worden/ ouer
de Drenthe/ totten heere Stadthouder Verdugo / ter plaetse daer de selue met
zijn Legher bevonden soude moghen worden te liggen / ende van daer ouer den
Rijn. Met beloften datse op dese zijde des Rhijns / in drie maanden niet en sul-
len dienen.

2. Dat zijne Ex^{te}. tot bebozderinghe van alle bagaigien/ vrouwen en kin-
deren/ cranchen en gewonden die eenichsins den wech te draghen/ sullen connen
ghehuypcken/bestellen sal laten tachtentich wagens die hennelieden sullen dienen/
ende voeren ter plaetsen boorss met eenigen Commissaris en verskeret conboy/
die zijne Ex^{te}. gelieven sal te committeren/ om tboorss Crijschvolck/ wijben en
kinderen/ mette bagaigien veplich te ghelepden en te conboyeren tot Otmaer-
sum/ oft ten versten tot Oldenzeel. Ende sal den Ouersten Lieutenant Laucke-
ma ghehouden zijn eenen Capiteyn alhier in Ostagie te laten / tot dat de boorss
waghens wederom ghecomen sullen wesen.

3. Dat

3. Dat alle ghewonde Capiteynen/Bevelhebberen en soldaten/die vermits heure quetsuren en cranchheden den wech te waghen niet en sullen comen ghescheyden/naer dat sy tot tameliche ghesontheyt sullen gecomen wesen met verscherde Passenpoort toeghelaten sal worden/ naer heure Wendelen Wederomme te keeren sonder verhinderinghe van niemant/ware dan te water oft te lande.
4. Dat den Capiteyn Wijnngaerden / zijne costen betaelt hebbende / sonder eenich rantsoen terstont vry ende los ghelaten sal worden so oock alle soldaten/zoetelaers ende waghenluyden van desen Legher inde stadt ghevanghen.
5. Dat alle goederen vanden heere Stadthouder Verdrigo/wesende binnen der stadt Groeninghen/ vry en veplich sullen mogen passeren/en geboert worden ter plaetse daer den ghenen daer van last hebbende/bevinden sal te behooren/ oft oock inde voorszeyde stadt bliuen in verskertheyt / tot dispositie vanden heere Stadthouder.
6. Dat alle Heerden ende Vagaigien toebehoorende den Officiers vanden Co. van Spaignien/hier niet wesende/vry ende veplich sullen passeren / en metten Crighsluyden ghelept worden.
7. Dat alle inwoonders teghenwoordelick heure residentie binnen Groeninghen houdende/ van wat nacie oft conditie die mogen wesen / tse Officieren oft andere niemant wtghesondert/ so Gheestelijcke metten Paters/ Jesuyten/als andere weerliche personen/met heuren vrouwen/kinderen/familie en heure byhebbende leuende have ende goederen/ die metten Crighsluyden sullen willen vertrecken/ghelijck ghelept in alles/ghelijcke bypheyt en veplicheyt/als boven sullen ghenieten.
8. Ende soo verre niemant vanden voorsz. inwoonderen/tse mans oft vrouwen personen deur behinderinge van heure saken ende affairen / metten voorsz. Crighsluyden niet en conden vertrecken/dat den selven sal vergunt worden/den tijt van zes maenden/te rekenen van dace van dit accoozt/ Binnen welken tijt/ sy alhier vry ende veplich sullen mogen wesen ende bliuen/heure nootlijcke ghescheften verhandelen en verrichten/ en daer na met heure byhebbende goederen ende familien/vertrecken/te water oft te lande/ter plaetsen daer hen ghelegghen sal wesen.
9. Dat den ouersten/Lieutenant ende Hopluyden / metten Bevelhebberen ende gheimeene soldaten (dit accoozt ghesloten wesende)terstont ende sonder langher wtstel/wt de stadt Groeninghen en Schuytendiep sullen vertrecken.

Ghedaeen ine Legher vooz Groeninghen/onder de handt ende Cachet van zijne Ex^{te}. Den xxiij. Julij 1594. Ende ghe-effectueert den xxiij. daer naer.



bermits
nen ghe
net ver
romme
lande.
/ sonder
loaten/
n.
binnen
worden
zen/ oft
n heere

oanden
en met

Groe
icieren
s/ Je
amilie
sullen
pt/als

hrou
door
n/den
n tijt/
e ghe
deren
eghen

beren
r lan